

No. Rujukan : UTeM.02/10.12/2/1 Jld.2(2)



UNIVERSITI TEKNIKAL MALAYSIA MELAKA

**SURAT PEKELILING PENTADBIRAN
BILANGAN 12 TAHUN 2010**

**PEMANSUHAN BAYARAN WAD KEPADA
PEGAWAI DAN PESARA PERKHIDMATAN
AWAM**

Pejabat Pendaftar
26 Oktober 2010

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02/10.12/2/1 Jld.2(2)

26 OKTOBER 2010

SURAT PEKELILING PENTADBIRAN BIL.12/2010

PEMANSUHAN BAYARAN WAD KEPADA PEGAWAI DAN PESARA PERKHIDMATAN AWAM

1.0 TUJUAN

Surat Pekeliling Pentadbiran ini bertujuan memaklumkan kepada semua staf Universiti Teknikal Malaysia Melaka (UTeM) mengenai keputusan Pihak Universiti atas kelulusan Mesyuarat Lembaga Pengarah Bil.4/2010 telah bersetuju untuk menerima pakai Pekeliling Perkhidmatan Bil. 4 Tahun 2010 mengenai pemansuhan bayaran wad yang dikenakan kepada pegawai dan pesara Perkhidmatan Awam apabila dimasukkan ke Hospital Kerajaan untuk mendapatkan rawatan.

2.0 LATAR BELAKANG

2.1 Peraturan semasa menetapkan bahawa pegawai dan pesara Perkhidmatan Awam, ahli keluarga dan ibu bapa yang sah dimasukkan ke Hospital Kerajaan untuk mendapatkan rawatan akan dikehendaki membayar bayaran wad mengikut kadar yang ditetapkan.

2.2 Tafsiran “pegawai”, “keluarga pegawai” dan “ibu bapa yang sah” adalah merujuk kepada tafsiran di dalam Pekeliling Perkhidmatan Bilangan 21 Tahun 2009 atau pindaan dari semasa ke semasa.

3.0 PELAKSANAAN

3.1 Kerajaan telah memutuskan bahawa bayaran wad yang dikenakan kepada pegawai dan pesara Perkhidmatan Awam, ahli keluarga dan ibu bapa yang sah semasa mendapatkan rawatan di Hospital Kerajaan dimansuhkan.

3.2 Pemansuhan bayaran wad ini tidak menjejaskan kelayakan wad yang ditetapkan kepada pegawai. Kelayakan wad adalah berdasarkan gred pegawai seperti yang ditunjukkan dalam jadual di bawah, tertakluk kepada fasiliti yang disediakan oleh pihak hospital:

Kumpulan / Gred	Kelayakan wad
Pengurusan Tertinggi	Kelas 1 Bilik Seorang
45-54	
31-34	Kelas 1 Bilik Berdua
21-30	Kelas 1 Bilik Bertiga
1-20	Kelas 2

3.3 Kelayakan wad untuk ahli keluarga dan ibu bapa yang sah adalah berdasarkan kelayakan yang ditetapkan kepada pegawai.

3.4 Kelayakan wad untuk pesara dan ahli keluarga adalah berdasarkan gred hakiki terakhir pegawai sebelum bersara.

3.5 Jika pegawai atau pesara Perkhidmatan Awam atau ahli keluarga atau ibu bapa yang sah meminta untuk dimasukkan ke dalam wad yang lebih tinggi dari kelayakannya, maka pegawai atau pesara berkenaan akan dikehendaki membayar bayaran wad mengikut kadar yang dikenakan kepada orang awam. Pegawai dan pesara juga dikehendaki membayar deposit sebelum dimasukkan ke wad yang lebih tinggi mengikut kadar yang telah ditetapkan.

3.6 Pekeliling ini hendaklah dibaca bersama dengan Pekeliling Perkhidmatan Bil. 4 Tahun 2010. Salinan pekeling tersebut boleh dirujuk di laman web Jabatan Perkhidmatan Awam (JPA) di alamat <http://www.ipa.gov.my>.

4.0 PEMBATALAN

Dengan berkuatkuasanya Pekeliling Pentadbiran ini, Pekeliling Pentadbiran Bil. 15/2001 Skim Perkhidmatan Perubatan Staf KUTKM, Bahagian B : Kemudahan Rawatan Hospital Kerajaan / Hospital IPTA di Para 1.0

menjelaskan bahawa universiti tidak akan menanggung kos bagi kemudahan bayaran wad adalah **dibatalkan**.

5.0 TARIKH KUAT KUASA

Surat Pekeliling Pentadbiran ini berkuat kuasa mulai dari tarikh ianya dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



HASAN BIN SIRUN

Pendaftar

/ukp